



Gradonačelnik

Broj: 07-4094/23

Datum: 27.11.2023.godine

Na osnovu člana 70. stav (1) i (4), a u vezi sa članom 69. stav (1), tačka b) i stav (2) tačka d) Zakona o javnim nabavkama ("Službeni glasnik BiH", br. 39/14 i 59/22), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) i člana 11. Privremene Statutarne odluke grada Srebrenik („Službeni glasnik grada Srebrenik“ broj:1/19), a na preporuku Komisije za javnu nabavku po Zapisniku o pregledu i ocjeni ponuda broj: 07-4094/23 od 22.11.2023. godine, Gradonačelnik donosi:

O D L U K U O PONIŠTENJU POSTUPKA

Član 1.

Poništava se postupak javne nabavke goriva, lož ulja i antifriza za 2024. i 2025. godinu, objavljen na Portalu javnih nabavki, obavještenje o nabavci broj: 761-1-1-71-3-78/23 od 02.11.2023. godine i sažetak obavještenja o nabavci, objavljen u „Službenim glasniku BiH“ broj: 78/23 od 10.11.2023.godine, jer nijedna od primljenih ponuda nije prihvatljiva.

Član 2.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.srebrenik.ba.

Član 3.

Ova odluka stupa na snagu danom donošenja i dostavlja se ponuđaču koji su učestvovali u postupku javne nabavke, saglasno članu 71. stav (2) Zakona o javnim nabavkama.

O b r a z l o ž e n j e

Odlukom o pokretanju postupka javne nabavke goriva, lož ulja i antifriza za 2024. i 2025. godinu broj: 07-4094/23 od 31.10.2023. godine, pokrenut je postupak nabavke predmetne usluge. Javna nabavka je provedena putem otvorenog postupka, a kriterij za dodjelu ugovora je najniža cijena.

Ukupna Procijenjena ukupna vrijednost nabavke iznosi 57.094,02 KM (bez PDV-ea), a po LOT-ovima kako slijedi:

LOT 1 – Nabavka dizela i benzina za 2024. i 2025. godinu – 51.282,05 KM (bez PDV-a) i
LOT 2 – Nabavka lož ulja za 2024. i 2025. godinu – 5.811,97 KM (bez PDV-a).

Obavještenje o nabavci predmetnih usluga objavljeno je na Portalu javnih nabavki dana 02.11.2023.godine pod brojem 761-1-1-71-3-78/23 i sažetak obavještenja o nabavci, objavljen u „Službenom glasniku BiH“ broj: 78/23 od 10.11.2023 godine. Tenderska dokumentacija



objavljena je zajedno sa navedenim obavještenjem. Komisija za javne nabavke donijela i Odluku o izmjeni tenderske dokumentacije broj: 07-4094/23 od 08.11.2023. godine i Odluku o izmjeni tenderske dokumentacije broj: 07-4094/23 od 15.11.2023. godine, i obje su sastavni dijelovi prvobitno objavljene tenderske dokumentacije.

U krajnjem roku za dostavu ponuda blagovremeno su dostavljene ponude:

1. HOLDINA“ d.o.o. Sarajevo, broj ponude: 012/40005515/13-11-23/312 od 14.11.2023. godine, za LOT 1 - Nabavka dizela i benzina za 2024. i 2025. godinu u iznosu od 50.880,00 KM (cijena bez PDV-a)
2. „HIFA“ d.o.o. Tešanj, broj ponude: P1194/2023 od 16.11.2023. godine, za LOT 1 - Nabavka dizela i benzina za 2024. i 2025. godinu u iznosu od 51.365,00 KM (cijena bez PDV-a) sa ponuđenim popustom od 1% (513,65 KM) iznosi 50.851,35 KM (cijena bez PDV-a); broj ponude: P1195/2023 od 16.11.2023. godine za LOT - 2 Nabavka lož ulja za 2024. i 2025. godinu u iznosu od 5.875,00 KM (cijena bez PDV-a) sa ponuđenim popustom od 2% (120,50 KM) iznosi 5.757,50 KM (cijena bez PDV-a)
3. „KOPEX - SARAJLIĆ“ d.o.o. Srebrenik, broj ponude: 01-1228/23 od 21.11.2023. godine, za LOT 1 - Nabavka dizela i benzina za 2024. i 2025. godinu u iznosu od 94.444,00 KM (cijena bez PDV-a); broj ponude: 01-1229/23 od 21.11.2023. godine za lož LOT - 2 Nabavka ulja za 2024. i 2025. godinu u iznosu od 12.780,00 KM (cijena bez PDV-a)

Slijedom navedenog, Komisija je u okviru svojih nadležnosti i ovlaštenja provela postupak i sačinila Zapisnik o pregledu i ocjeni ponuda, te konstatovala sljedeće:

Ponuda ponuđača „**HOLDINA“ d.o.o. Sarajevo** za LOT 1 - Nabavka dizela i benzina za 2024. i 2025. godinu ne sadrži Izjavu iz člana 12.4. Tenderske dokumentacije: „... Ponuđači su dužni **u ponudi dostaviti** izjavu da će u roku od 10 dana od dana dostavljanja obavještenja o dodjeli ugovora, dostaviti zahtijevanu dokumentaciju, u suprotnom, ugovor se dodjeljuje drugorangiranom ponuđaču pod istim uslovima. ...“

Zatim, ponuđene okvirne količine Euro Dizel BAS EN 590 i BMB -95, na stranici 9. Ponude – Prilog III – Obrazac za cijenu ponude - robe, manje su u odnosu na potrebne količine iz Odluke o izmjeni i dopuni tenderske dokumentacije broj: 07-4094/23 od 15.11.2023. godine, a koja je sastavni dio Tenderske dokumentacije broj: 07-4094/23 od 02.11.2023. godine.

Zbog svega naprijed navedenog, Komisija je ponudu ponuđača „HOLDINA“ d.o.o. Sarajevo ocijenila kao **neprihvatljivu** jer prevashodno **ne ispunjava kriterije za kvalifikaciju privrednog subjekta** te kao **nepravilnu** iz razloga što **nije u skladu sa tenderskom dokumentacijom**, a sve u vezi sa članom 2. stav (1), tačka 1), alineja 2) i 3) Zakona o javnim nabavkama, pa se kao tako ocijenjena **odbacuje**.

Ponuđač „**HIFA“ d.o.o. Tešanj** u ponudi za LOT 1 - Nabavka dizela i benzina za 2024. i 2025. godinu na stranici 5. – Prilog III – Obrazac za cijenu ponude – robe, ponudio je manje okvirne količine Euro Dizela i Benzina MB – 95 u odnosu na potrebne količine iz Odluke o izmjeni i dopuni tenderske dokumentacije broj: 07-4094/23 od 15.11.2023. godine, a koja je



sastavni dio Tenderske dokumentacije broj: 07-4094/23 od 02.11.2023. godine. U ponudi za LOT - 2 Nabavka lož ulja za 2024. i 2025. godinu ponuđač „HIFA“ d.o.o. Tešanj također je na stranici 5. – Prilog III – Obrazac za cijenu ponude – robe ponudio manje okvirne količine Lož ulja – ekstralako u odnosu na potrebne količine iz Odluke o izmjeni i dopuni tenderske dokumentacije broj: 07-4094/23 od 15.11.2023. godine, a koja je sastavni dio Tenderske dokumentacije broj: 07-4094/23 od 02.11.2023. godine.

Zbog navedenog, ponude ponuđača „HIFA“ d.o.o. Tešanj za LOT 1 i LOT 2, ocijenjene su od strane Komisije kao **nepravilne** jer nisu u skladu sa tenderskom dokumentacijom, a u vezi sa članom 2. stav (1), tačka l), alineja 3), pa se kao takve **odbacuju**.

Ponuđač „**KOPEX - SARAJLIĆ**“ d.o.o. Srebrenik u ponudi za LOT 1 - Nabavka dizela i benzina za 2024. i 2025. godinu na stranici 5. Obrazac za cijenu ponude – robe, ponudio je ukupnu cijenu po vrstama roba (bez PDV-ea) za Euro Dizel BAS EN 590, BMB-95 BAS EN 228 višu u odnosu na procijenjenu vrijednost javne nabavke za predmetni LOT 1 koju su odredili Ugovorni organ i Komisija u Odluci o pokretanju javne nabavke i Tenderskoj dokumentaciji 07-4094/23 od 02.11.2023. godine, sa svim izmjenama i dopunama iste.

U ponudi za LOT - 2 Nabavka lož ulja za 2024. i 2025. godinu ponuđač „KOPEX SARAJLIĆ“ d.o.o. Srebrenik također je na stranici 5. Obrazac za cijenu ponude – robe , ponudio ukupnu cijenu po vrstama roba (bez PDV-ea) za Lož ulje – ekstralako višu u odnosu na procijenjenu vrijednost javne nabavke koju su odredili Ugovorni organ i Komisija za predmetni LOT 2 u Odluci o pokretanju javne nabavke i Tenderskoj dokumentaciji 07-4094/23 od 02.11.2023. godine, sa svim izmjenama i dopunama iste. Zbog toga, Komisija je ocijenila ponude ponuđača „KOPEX SARAJLIĆ“ d.o.o. Srebrenik za LOT 1 i LOT 2 kao **neprihvatljive** iz razloga što ponuđene cijene prelaze planirana odnosno osigurana novčana sredstva ugovornog organa za predmetnu javnu nabavku, a u vezi sa članom 2. stav (1), tačka l), alineja 2), pa se kao takve **odbacuju**.

Računskom provjerom nisu uočene računске greške.

Nakon izvršenog pregleda i ocjene ponuda, Komisija je dostavila Gradonačelniku Zapisnik o pregledu i ocjeni ponuda, broj: 07-4094/23 od 22.11.2023. godine sa preporukom za donošenje odluke o poništenju postupka za predmetnu nabavku, obzirom da su sve zaprimjene ponude u konačnici **neprihvatljive**.

U postupku donošenja ove Odluke, posebno su cijenjene činjenice, da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, a u skladu sa Zakonom o javnim nabavkama i podzakonskim aktima.

Obzirom da niti jedna od primljenih ponuda nije prihvatljiva, ispunjeni su uvjeti za poništenje predmetnog postupka javne nabavke, u skladu sa članovima 69. stav (1), tačka b) i stav (2) tačka d) Zakona o javnim nabavkama, pa je odlučeno kao u dipozitivu ove Odluke.



Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 3x,
2. Evidenciji,
3. Arhivi



GRADONAČELNIK

Adnan Bjelić

